

Республикалық Руўхыйлық ҳәм ағартыўшылық орайы Қарақалпақстан бөлими

----	Республикалық Руўхыйлық ҳәм ағартыўшылық орайы Қарақалпақстан бөлиминиң баслығы	
	Мәнзил:	230103, Нөкис қаласы Ғәрезсизлик көшеси 50-жай
	Телефон:	0(361) 222-89-62
	E-mail:	kr_manaviyat@exat.uz
	Қабыллаў күнлери:	Дүйшемби, сийшемби 10:00-12:00

Respublika Ma`naviyat va ma`rifat markazi Qoraqalpog`iston bo`limi

Funksional vazifalari:

I bob. UMUMIY QOIDALAR

1.1. Mazkur Nizom Respublika Ma`naviyat va ma`rifat markazi (keyingi o`rinlarda Markaz deb yuritiladi) tomonidan belgilangan tartibda tashkil etilgan Qoraqalpog`iston Respublikasida Markaz nomidan ish ko`radigan hamda Markaz Nizomida belgilangan

maqsad va vazifalarni amalga oshirish uchun mas`ul bo`lgan Markazning alohida hududiy bo`limi (keyingi o`rinlarda Bo`lim deb yuritiladi) faoliyatini tartibga soladi.

1.2. Bo`lim o`z faoliyatini O`zbekiston Respublikasi Konstitutsiyasi, O`zbekiston Respublikasining "Nodavlat notijorat tashkilotlar to`g`risida"gi Qonuni, shuningdek, nodavlat notijorat tashkilotlar faoliyatini tartibga soluvchi boshqa normativ-huquqiy hujjatlar, Respublika Ma`naviyat va ma`rifat Kengashi va hududiy Kengashning qarorlari, Markazning Nizom, qaror va bayonlari hamda ushbu Nizomga muvofiq amalga oshiradi.

1.3. Bo`lim o`z faoliyatida qonuniylik, oshkoralik va o`zini-o`zi boshqarish tamoyillariga amal qiladi.

1.4. Bo`limning yagona muassisi: ReSPUBLIKA MA`NAVIYaT VA MA`RIFAT MARKAZI.

1.5. Bo`lim davlat ro`yxatiga olingan vaqtdan boshlab o`z tasarrufida, xo`jalik qaramog`ida yoki tezkor boshqaruvida alohida mol-mulkka egalik qilish va mazkur mulk bo`yicha majburiyatlari yuzasidan javob berishga haqli, o`z nomidan mulkiy va shaxsiy nomulkiy huquqlarini olishi va amalga oshirishi mumkin bo`lgan, o`z zimmasiga majburiyat olishi, sudda da`vogar yoki javobgar bo`lishi, mustaqil balansi yoki smetasiga ega bo`lishi mumkin.

Bo`limning tashkiliy-huquqiy shakli: Muassasa hisoblanadi.

Bo`lim mustaqil balansiga, nomiga, banklardagi so`m va valyuta hisob raqamlariga, belgilangan namunadagi aylana muhpi, shtamp va maxsus blankalariga ega bo`ladi hamda Respublika Ma`naviyat va ma`rifat markazining O`zbekiston Respublikasi Adliya vazirligi tomonidan belgilangan tartibda ro`yxatdan o`tgan ramzidan foydalanadi.

1.6. Bo`lim o`z faoliyatini: Qoraqalpog`iston Respublikasida amalga oshiradi.

1.7. Bo`limning to`liq nomi:

O`zbek tili, kirill yozuvida: Respublika Ma`naviyat va ma`rifat markazining Qoraqalpog`iston bo`limi;

O`zbek tili, lotin yozuvida; Respublika Ma`naviyat va ma`rifat markazining Qoraqalpogiston bo`limi;

Qoraqalpoq tili, kirill yozuvida: Respublika Ruo`xылыыq ham ag`artyo` orayы Qaraqalpaqstan bolimi;

Qoraqalpoq tili, lotin yozuvida; Respublika Ruwxiliq ham agartiw orayi Qaraqalpaqstan bo'limi;

Rus tili, kirill yozuvida: Karakalpakscoe otdel Respublikanskogo tsentra duxovnosti i prosveshcheniya

Rus tili, lotin yozuvida: Karakalpakscoe otdel Respublikanskogo tsentra dukhovnosti i prosveshcheniya

Ingliz tilida: The The Karakalpakstan branch of the Republican Center for Spirituality and Education

1.8. Bo`lim Qoraqalpog`iston Respublikasi, G`arezsizlik ko`chasi, 50-uyda joylashgan.

II bob. Bo`limning maqsad va vazifalari

2.1. Bo`limning asosiy maqsadi – milliy ma`naviyatimizning ma`no-mohiyati, ildizlari, noyob va betakror namunalari, uning bugungi kundagi rivojlanish tamoyillari haqida aniq maqsadga qaratilgan izchil, ta`sirli va zamonaviy usul hamda vositalardan foydalangan holda targ`ibot ishlarini olib borish;

keng aholi vakillari o`rtasida vatanga muhabbat va sadoqat, fidoyilik, eng muhimi ularda daxldorlik fazilatlarini tarbiyalash, milliy qadriyatlar, urf-odatlar, muqaddas an`analarimizning hozirgi hayotimizdagi o`rni va ahamiyatini har tomonlama ochib berishga yo`naltirilgan ma`naviy-ma`rifiy tadbirlarni o`tkazish;

aholimizning ayniqsa, yoshlarimizning ma`naviyatiga salbiy ta`sir ko`rsatadigan har qanday ichki va tashqi tahdidlarga qarshi qaratilgan tizimli va zamonaviy tashviqot ishlarini olib borish.

2.2. Bo`lim ushbu maqsaddan kelib chiqib quyidagi vazifalarni amalga oshiradi:

mamlakatimizda amalga oshirilayotgan ijtimoiy-iqtisodiy islohotlar, qabul qilinayotgan qonun hujjatlari, davlat dasturlarining mazmun va mohiyatini aholining keng qatlamlariga etkazishga qaratilgan targ`ibot ishlarini tizimli va izchil amalga oshirish;

keng jamoatchilik, olimlar, mutaxassislar, ijodkor ziyolilardan iborat “Ma`rifat” targ`ibotchilar jamiyati bilan hamkorlikda joylarda ishlarni tashkil etish

dunyoda yuz berayotgan murakkab geosiyosiy va g`oyaviy-mafkuraviy jarayonlarning mazmun-mohiyatini har tomonlama chuqur yoritib borish, terrorizm, diniy ekstremizm, aqidaparastlik, separatizm, odam savdosi, “ommaviy madaniyat”, narkobiznes va boshqa tahdidlarga qarshi samarali g`oyaviy kurash olib borish;

jamiyatimizning barqaror rivojlanishiga to`sqinlik qilayotgan ichki tahdidlar – el-yurt taqdiriga loqaydlik, mahalliychilik, urug`-aymoqchilik, oilaviy qadriyatlar va yoshlar tarbiyasiga e`tiborsizlik kabi holatlarga barham berishga qaratilgan chora-tadbirlarni ishlab chiqish va amalga oshirish;

milliy g`oyani yurtimizda yashayotgan barcha millat va elatlar, ijtimoiy toifa vakillari o`rtasida keng targ`ib etish, bunyodkorlik ruhini yalpi ijtimoiy harakatga aylantirish, ertangi kunga ishonch tuyg`ularini kuchaytirish;

ma`naviy-ma`rifiy targ`ibot ishlari samaradorligining ilmiy asoslangan monitoringini ta`minlashga qaratilgan sotsiologik tadqiqotlar o`tkazish;

yoshlarda sog`lom dunyoqarash, jumladan, kitobxonlik ko`nikmasini shakllantirish, internet, axborot-kommunikatsiya texnologiyalaridan oqilona foydalanish madaniyatini oshirish, ularda g`oyaviy va axborot xurujlariga qarshi mafkuraviy immunitetni kuchaytirish;

mahallalarda yoshlar bilan ishlash, ushbu toifani ijtimoiy-iqtisodiy faollashtirishda jamoat tashkilotlari bilan hamkorlikni yo`lga qo`yish;

xalqimizning tarixiy merosi, urf-odatlar va milliy tarbiya an`analarini asrab-avaylash, keng aholi qatlamlari, ayniqsa, yoshlarimiz o`rtasida dinlararo bag`rikenglik, millatlararo totuvlik va o`zaro mehr-oqibat muhitini mustahkamlash, shuningdek, jamiyatimizda sog`lom turmush tarzini qaror toptirish bo`yicha chora-tadbirlar ishlab chiqish va joriy etish;

ota-ona, oila va mahalla, tarixiy xotira, milliy g`urur, komil inson tarbiyasi bilan bog`liq tuyg`u va tushunchalarni yosh avlod qalbi va ongiga ta`sirchan vositalar orqali singdirish, ajdodlarimizning bu boradagi merosini bugungi taraqqiyot talablari bilan uzviy holda rivojlantirish, targ`ibot ishlarini milliy va umumbashariy qadriyatlar uyg`unligi asosida tashkil etish;

televidenie, radio, matbuot imkoniyatlaridan to`la foydalanib, turli mavzu va ko`rinishdagi ijtimoiy roliklar tayyorlash, zamonamiz qahramonlari – etakchi, ilg`or fikrli, barchaga o`rnak bo`lgan shaxslarning hayoti va faoliyati bilan ommani tanishtirish,

ularning turli ijobiy tashabbuslarini amalga oshirishga to'siq bo'layotgan illatlarni, turli muammolarini dadil ko'tarib chiqish.

2.3. Yuqoridagi vazifalarni Bo'lim o'z faoliyatining tegishli chora-tadbirlar Dasturlari orqali amalga oshiradi.

III bob. Bo'lim faoliyatining asosiy yo'nalishlari

3.1. Oila, ta'lim muassasalarida yoshlar tarbiyasi, chekka hududlar va mahallalarda yoshlar o'rtasida maqsadli g'oyaviy-tarbiyaviy ishlarni zamon talablaridan kelib chiqib, tashkil etish shuningdek, jamiyatning barqaror rivojlanishiga to'sqinlik qilayotgan ichki tahdidlar, el-yurt taqdiriga loqaydlik, mahalliychilik, urug'-aymoqchilik, oilaviy qadriyatlar va yoshlar tarbiyasiga e'tiborsizlik kabi boshqa illatlarning barcha ko'rinishlariga qarshi keskin va murosasiz munosabatni shakllantirish, jamiyat uchun istiqbolli, zamonaviy targ'ibotchilarni tayyorlash maqsadida soha mutaxassislarini jalb etgan holda quyidagi yo'nalishlarda ish olib boradi:

“Jaholatga qarshi ma'rifat” tamoyilidan kelib chiqqan holda terrorizm, diniy ekstremizm, aqidaparastlik, separatizm, odam savdosi, “ommaviy madaniyat”ning salbiy ta'sirlari, narkobiznes kabi yurtimizning tinchligi va osoyishtaligiga rahna soladigan, xalqimizning iymon-e'tiqodiga zarar etkazadigan har qanday yot g'oyalarga nisbatan ayovsiz kurashchan muhitni yaratish;

globalashuv jarayonlari kuchayib, tinchlik va barqarorlikka qarshi yangi tahdid va xatarlar tobora ko'paygan, tahlikali, murakkab vaziyatda ma'naviyat sohasidagi ishlarni yuksak darajada takomillashtirish;

hudud ahli, ayniqsa, yosh avlodning dunyo va yurtimiz miqyosidagi siyosiy jarayonlarga mustaqil va ongli munosabatini shakllantirish, ularda faol fuqarolik pozitsiyasini, fidoyilik va vatanparvarlik tuyg'usini kamol toptirish;

O'zbekiston Respublikasini rivojlantirishning beshta ustuvor yo'nalishi bo'yicha Harakatlar strategiyasi va yil nomlari bilan bog'liq Davlat dasturlari ijrosi bo'yicha eng muhim ustuvor vazifalarni izchil amalga oshirish;

terrorizm, diniy ekstremizm, aqidaparastlik, separatizm, odam savdosi, “ommaviy madaniyat”ning salbiy ta'sirlari, narkobiznes va boshqa tahdidlarga qarshi g'oyaviy kurashish;

O`zbekiston Respublikasini rivojlantirishning beshta ustuvor yo`nalishi bo`yicha harakatlar strategiyasi va yil nomlari bilan bog`liq Davlat dasturlari ijrosi bilan bog`liq eng muhim ustuvor vazifalarni izchil amalga oshirish;

xalqaro maydonda yuz berayotgan muhim voqea-hodisalar, yon-atrofimizda kechayotgan jarayonlar mohiyatini keng jamoatchilikka etkazish, odamlarning faol mushohada yurituvchi va teran idrok etuvchi, ma`nan etuk, siyosiy jihatdan faol fuqarolarga aylantirishga qaratilgan ma`rifat tizimini yaratish;

tinchlik, xavfsizlik, millatlararo totuvlik va diniy bag`rikenglikni ta`minlash, chuqur o`ylangan, o`zaro manfaatli va amaliy ruhdagi tashqi siyosat mohiyatini tushuntirish orqali xalqimiz dunyoqarashida milliy iftixor tuyg`usini kuchaytirish;

fuqarolik jamiyati, huquqiy davlatni rivojlantirish jarayonida barcha ijtimoiy guruh va tabaqalar vakillarining huquqiy ongini yuksaltirish vositasida vatandoshlarimiz qalbida O`zbekiston Respublikasi Konstitutsiyasi va qonunlariga hurmat hissini kuchaytirish, ayni paytda, o`zining fuqarolik huquqi, erkinliklari va burchini chuqur anglagan holda yashashi va jamiyat hayotida faol ishtirok etishiga ko`maklashish.

3.2. Ma`naviyat va ma`rifat sohasida mutaxassislariga ilmiy-uslubiy yordamlar ko`rsatish maqsadida:

mahalliy bo`linmalar faoliyatini har tomonlama rivojlantirish yuzasidan istiqbolli, reja va dasturlar, ularning muammolarini echish yuzasidan aniq takliflar ishlab chiqishga ko`maklashish;

turli jamoat tashkilotlarining ijtimoiy ahamiyatga molik bo`lgan tashabbuslari, ish tajribalarini o`rganish, ommalashtirish yuzasidan tavsiyalar berish.

IV bob. Bo`limning huquq va majburiyatlari

4.1. Bo`lim quyidagi huquqlarga ega:

olimlar, mutaxassisilar, ijodkor ziyolilar va xalq ichida o`z hurmatiga ega bo`lgan fuqarolardan tashkil topadigan “Ma`rifat” targ`ibotchilar jamiyati bilan birga, joylarda ma`naviy-ma`rifiy targ`ibot ishlarini tashkil etish va muvofiqlashtirish, jamoat, madaniyat va san`at tashkilotlari, ta`lim-tarbiya muassaslari bilan hamkorlik o`rnatish, axborot-tahlil ishlarini amalga oshirish;

hududdagi mulkchilik shaklidan qat`iy nazar barcha korxonalar, tashkilotlarda ma`naviy-ma`rifiy ishlar ahvolini o`rganish, ma`naviy muhitni tahlil etish, muhokama qilish va shu asosda ularga tegishli tavsiyalar berish;

Respublika Ma`naviyat va ma`rifat hududiy Kengashi yig`ilishlarini tashkil etish va Kengash qarorlarini ijro etish bilan bog`liq amaliy-tashkiliy ishlarni amalga oshirish;

ommaviy axborot vositalarida, jahon axborot tarmog`ida o`z faoliyatiga doir ma`lumotlarni yoritib borish;

boshqarmalar, tashkilotlar, korxonalar, muassasalar, shahar va tuman Ma`naviyat va ma`rifat Kengashlaridan sohaga oid masalalar bo`yicha zarur ma`lumotlarni so`rab olish;

xalqimizning boy ma`naviy, madaniy merosi, milliy qadriyatlarini respublikamiz va xorijda keng targ`ib qilish maqsadida media mahsulotlar ishlab chiqish;

mulkchilik shaklidan qat`iy nazar barcha korxonalar, tashkilot, idora va muassasalarda ma`naviy-ma`rifiy ishlar bo`yicha lavozimlarga tavsiya etilayotgan nomzodlarning ma`naviy-ma`rifiy salohiyati bo`yicha xulosalar berish;

Nizom doirasidagi maqsad va vazifalarni bajarish yuzasidan shartnomalar imzolash, buyurtmalar berish, shartnoma asosida olimlar, ziyolilar, mutaxassislar, ko`pni ko`rgan, hayotiy tajribaga ega faol fuqarolarni jalb qilish, ish haqi hajmini kelishish va ularga bajarilgan ishlar uchun kelishilgan narxlarda haq to`lash, targ`ibot materilallari bilan ta`minlash;

belgilangan vazifalarni bajarilishini ta`minlash maqsadida davlat, nodavlat va jamoat tashkilotlarining mablag`larini, shuningdek ularning grantlarini jalb etish;

Bo`lim davlat byudjeti mablag`lari bilan bir qatorda kichik korxonalar ochib yoki xo`jalik yuritish asosida hamda xomiylarning beg`araz yordamida ham moliyalashtirilishi mumkin;

ushbu sohani rivojlantirish maqsadida qonunlarda belgilangan tartibda o`z gazetasiga, jahon axborot tarmog`idagi veb-sayt va veb-sahifalariga ega bo`lish, ommaviy axborot vositalariga ta`sischilik qilish;

aholining mamlakatimizda amalga oshirilayotgan islohotlarga munosabatini o`rganish, hududda ma`naviy-ma`rifiy ishlar samaradorligini oshirish maqsadida soha mutaxassislarini jalb etgan holda sotsiologik tadqiqotlar o`tkazish, turli muammolarga bag`ishlangan ilmiy-amaliy konferentsiya va anjumanlar tashkil etish;

qonun hujjatlariga muvofiq boshqa huquqlarni ham amalga oshirishi mumkin.

4.2. Bo`limning majburiyatlari:

o`z faoliyatini qonun hujjatlariga, Markaz Nizomiga hamda mazkur Nizomga muvofiq amalga oshirish;

o`z mol-mulki va pul mablag`laridan foydalanish to`g`risidagi ma`lumotlar ochiqligini ta`minlash;

o`z faoliyati yuzasidan qonunchilikda belgilangan tartibda Respublika Ma`naviyat va ma`rifat markaziga hamda hududiy Kengash raislariga hisobotlar taqdim etish;

Bo`lim qonun hujjatlariga muvofiq boshqa majburiyatlarga ham ega bo`lishi mumkin.

V bob. Bo`limning rahbar organi, vakolatlari va tuzilishi

5.1. Bo`limning rahbar organi Respublika Ma`naviyat va ma`rifat markazi hisoblanadi.

5.2. Respublika Ma`naviyat va ma`rifat Kengashining hududdagi tuzilmasi hududiy Kengash hisoblanadi.

Hududiy Ma`naviyat va ma`rifat Kengashini shakllantirish bilan bog`liq normalar O`zbekiston Respublikasi Prezidentining 1999 yil 3 sentyabrdagi PF-2385-son Farmoni hamda Kengash faoliyatiga doir hujjatlar bilan belgilanadi.

5.3. Hududiy Kengash yig`ilishlari bir yilda bir marotaba o`tkaziladi. Mazkur yig`ilishda hududdagi ma`naviy-ma`rifiy ishlarning ahvoli tahlil qilinib, tegishli qarorlar qabul qilinadi.

5.4. Bo`limning rahbar organi Markazning vakolatlari:

Bo`limning umumiy faoliyatiga rahbarlik qilish.

Bo`lim rahbarini lavozimga tayinlash, lavozimidan ozod etish va u bilan mehnat shartnomasini imzolash.

Bo`limning chora - tadbirlar dasturi va ish rejalarini tasdiqlash.

Bo`lim hisobotlarini qabul qilish va tahlil qilish.

Bo`limning pul mablag`lari va boshqa mol-mulkidan foydalanishi ustidan nazoratni amalga oshirish.

Bo`limning Nizomida belgilangan maqsad va vazifalariga zid bo`lgan qarorlar ijrosini to`xtatib qo`yish yoki ularni bekor qilish.

Hududiy Kengash vakolatlari:

bo`lim rahbarligiga nomzodlar Kengash raisi tomonidan tavsiya etiladi;

hududda ma`naviy-ma`rifiy ishlarni tashkil etish, sohadagi ahvolni o`rganish, ma`naviy muhitni tahlil etish, muhokama qilish va shu asosda mas`ullarga tegishli tavsiyalar berish;

hudduda ma`naviy-ma`rifiy ishlar ahvolini yaxshilash, bu borada chora-tadbirlar belgilash, ularni amalga oshirish va nazorat qilish;

shahar va tuman Kengashlari hamda Kengash tarkibidagi tashkilotlar rahbarlarining hisobotlarini tinglaydi, ko`rilgan masalalar yuzasidan tegishli chora-tadbirlar belgilaydi.

5.5. Bo`lim rahbari vakolatlariga quyidagilar kiradi:

Bo`lim rahbari hududiy Kengash raisining tavsiyasiga ko`ra Respublika Ma`naviyat va ma`rifat markazi rahbarining buyrug`i asosida lavozimga tayinlanadi va lavozimidan ozod qilinadi;

Bo`lim hamda shahar va tuman bo`linmalarining umumiy faoliyatini muvofiqlashtirish, tashkil etish va boshqarish;

Bo`lim bosh mutaxassisi, etakchi mutaxassis hamda bosh hisobchini ishga qabul qilish va lavozimdan ozod etish, bo`lim bosh mutaxassisi, etakchi mutaxassis hamda bosh hisobchini ishga qabul qilishda, qoida tariqasida, tegishli yo`nalishda oliy ma`lumotli hamda muayyan ish tajribaga ega bo`lgan nomzodlarni tanlab olish;

mulkiy operativ huquqlarni amalga oshirish, shartnomalar tuzish, ishonchnomalarni berish, banklarda hisob raqamlari va boshqa hisoblarni ochish, bank, moliya va boshqa hujjatlarga birinchi imzo huquqidan foydalanish, barcha xodimlar uchun umumiy bo`lgan me`yoriy-huquqiy hujjatlarni chiqarish;

Markaz rahbariga tegishli shahar va tumanlar bo`linmalari rahbarlari lavozimiga nomzodlarni tavsiya qiladi va ularni ozod etish to`g`risida xulosa beradi;

Bo`lim va mahalliy bo`linmalar ishini tashkil etish, faoliyat yo`nalishlarini belgilash, qo`yilgan vazifalarning o`z vaqtida amalga oshirilishini nazorat qilish;

Bo`limning moliyaviy-xo`jalik masalalari bilan shug`ullanish, homiylarning moddiy yordami hamda xo`jalik hisobidan qo`shimcha mablag`lar topishni yo`lga qo`yish, bo`limning moddiy-texnikaviy bazasini mustahkamlash, xodimlarning moddiy rag`batlantirish chora-tadbirlarini ko`rish;

jamoatchi targ`ibotchilarni tanlash, belgilangan vazifalarni amalga oshirish jaryoniga jalb etish, risola va qo`llanmalar, shuningdek, yangi zamonaviy axborot texnologiyalari vositalari bilan ta`minlash, rag`batlantirish masalalarini hal etish;

ma`naviy-ma`rifiy ishlarda alohida o`rnak ko`rsatgan bo`lim xodimlari, mahalliy bo`linma rahbarlari va jamoatchi targ`ibotchilarni O`zbekiston Respublikasining davlat mukofotlariga tavsiya etish hamda ularni o`z faxriy yorliqlari va pul mukofotlari bilan taqdirlash;

xo`jalik hisobidan ishlab topilgan va homiylar ko`magida shakllantirilgan moliyaviy mablag`lardan bo`lim va mahalliy bo`linmalarning moddiy-texnikaviy bazasini mustahkamlashda hamda xodimlarni rag`batlantirishda foydalanish;

xo`jalik hisobidagi mablag`lardan chiqarilgan nashriy mahsulotlarni sotish;

Bo`lim o`z balansidagi binoni, transport vositasini qonunlarda ko`zda tutilgan tartibda ijaraga berish, sotish;

Bo`limni rivojlantirish jamg`armasini shakllantirish;

Markaz Nizomi va ushbu Nizomga muvofiq boshqa vakolatlarga ham ega bo`ladi.

VI bob. Bo`limning shahar va tuman (mahalliy) bo`linmalari

6.1. Mahalliy bo`linmalar Respublika bo`limi rahbarligida faoliyat ko`rsatadi hamda Markaz Nizomi va ushbu Nizomda belgilangan vazifalarni amalga oshiradi.

6.2. Mahalliy bo`linmalar yuridik shaxs maqomiga ega bo`lishi mumkin.

6.3. Mahalliy bo`linmalar tegishli shahar va tuman Ma`naviyat va ma`rifat Kengashining ijroiya organi sifatida faoliyat ko`rsatadi, uning yig`ilishlari bayoni qarorlarini hayotga tatbiq etadi.

6.4. Mahalliy bo`linmalar ziyolilar qatlami, ayniqsa, o`qituvchi va pedagoglar, mahalla faollari, turli nodavlat jamoatchilik tashkilotlari vakillaridan iborat guruhlar tuzib, tegishli tuman va shaharlarda joylashgan hamda mulkchilik shaklidan va idoraviy bo`ysunuvidan qat`iy nazar barcha korxonalar, tashkilot va muassasalarda milliy g`oya targ`iboti va ma`naviy-ma`rifiy ishlar ahvolini o`rganib boradi, xulosalar chiqarib, ularni tegishli mahalliy Kengash muhokamasiga qo`yadi.

6.5. Mahalliy bo`linmalar davlat byudjeti mablag`lari bilan bir qatorda kichik korxonalar ochib yoki xo`jalik yuritish asosida hamda homiylarning beg`araz yordami hisobidan ham moliyalashtirilishi mumkin.

6.6. Mahalliy bo`linmalarning huquq va majburiyatlar, ularni qayta tashkil etish va tugatish tartibi, mol-mulkni boshqarish borasidagi huquqlari batafsil ravishda ularning Nizomida belgilanadi.

VII bob. Bo`limning mulk va pul mablag`larini

shakllantirish tartibi

7.1. Bo`lim o`z tasarrufida binolar, inshootlar, uskunalar, anjomlar, milliy va xorijiy valyutadagi pul mablag`lari, intellektual mulk va mualliflik huquqlari ob`ektlari, tashkilot (korxonalar, muassasalar)larga Markaz Ustavi va ushbu Ustavda ko`zda tutilgan faoliyatni moddiy ta`minlash uchun zarur bo`lgan va o`z mablag`lari hisobidan barpo etiladigan boshqa mol-mulkka ega bo`lishi mumkin.

7.2. Bo`lim va bo`linmalar mulkini shakllantirish manbalari quyidagilar hisoblanadi:

davlat byudjeti;

jismoniy va yuridik shaxslarning ixtiyoriy mulkiy badallari;

davlat buyurtmasiga asosan sohaga oid faoliyatini amalga oshirishga ajratilgan maqsadli moliyaviy ajratmalar va davlat ko`magi;

grant, subsidiya, ijtimoyi buyurtma ko`rinishidagi davlat organlari, jamoat tashkilotlari tomonidan ma`naviy-ma`rifiy dastur va loyihalarni amalga oshirish uchun maqsadli kelib tushadigan mablag`lar;

tadbirkorlik faoliyatidan olingan hamda faqat Markaz Ustavi va ushbu Ustav maqsadlarini bajarish uchun sarflanadigan daromadlar (foyda);

Bo`limning bosma nashrlaridan tushadigan mablag`lar;

qonun hujjatlarida ta`qiqlanmagan boshqa tushumlar.

7.3. Bo`lim va uning tuzilmalari tomonidan tadbirkorlik hamda boshqa faoliyatidan olingan daromadlar faqat Markaz Ustavi va ushbu Ustavida belgilangan faoliyatga sarflanadi hamda Bo`lim xodimlari va ishtirokchilari o`rtasida taqsimlanmaydi.

7.4. Bo`lim, shahar va tuman bo`linmalari o`zlariga biriktirib qo`yilgan mulkni operativ boshqarish huquqini amalga oshiradi.

VIII bob. Nizomga o`zgartish va qo`shimchalar kiritish tartibi

8.1. Ushbu Nizomga o`zgartish va qo`shimchalar kiritish Respublika Ma`naviyat va ma`rifat Markazining qaroriga muvofiq amalga oshiriladi.

8.2. Nizomga kiritilayotgan o`zgartish va qo`shimchalar Respublika Ma`naviyat va ma`rifat markazi tomonidan tasdiqlanadi hamda o`zgartish va qo`shimchalar kiritilgan kundan boshlab qonun hujjatlarida belgilangan tartibda tegishli hujjatlarni ilova qilgan holda hududiy Adliya vazirligidan qayta ro`yxatdan o`tish uchun murojaat qilinadi.

Ushbu Nizomga kiritilgan o`zgartish va qo`shimchalar bo`lim qayta ro`yxatdan o`tkazilgandan so`ng kuchga kiradi.

IX bob. Bo`limda hisob va hisobot ishi

9.1. Shahar va tuman bo`linmalari belgilangan shaklda har oyda keyingi oyning 10-sanasiga qadar bo`limga moliyaviy hisobot va tasdiqlangan ish rejaning bajarilishi yuzasidan hisobot berib boradilar.

9.2. Bo`lim belgilangan tartibda Markazga har chorakda, keyingi chorak birinchi oyining 10-sanasiga qadar moliyaviy hisobot va tasdiqlangan ish rejaning bajarilishi yuzasidan hisobot berib boradi.

9.3. Bo`lim o`z faoliyati natijalarini hisobga olib boradi va ularni belgilangan tartibda hududiy Adliya vazirligiga, soliq va statistika organlariga taqdim etadi.

9.4. Zarur bo`lgan hollarda bo`lim tomonidan Bo`lim hamda shahar va tuman bo`linmalarining moliyaviy-xo`jalik faoliyatini auditor tekshiruvidan o`tkazish uchun tashqi auditor jalb qilinishi mumkin.

X bob. Bo`limni qayta tashkil etish va tugatish tartibi

10.1. Bo`limni tashkil etish, qayta tashkil etish va tugatish Respublika Ma`naviyat va ma`rifat Markazi tomonidan qonun hujjatlarida belgilangan tartibda amalga oshiriladi;

10.2. Bo`lim va bo`linmalarining tugatilishi Respublika Ma`naviyat va ma`rifat markazi yoki sudning qaroriga binoan amalga oshiriladi.